




~~C7887~~

4⁰

Ud 7040.



stdr0012418

Biblioteka Jagiellońska

Ad.: Ud 7040

- 1,
- 2, Discursus contemporaneus.
- 3, Considerationes monetales.
- 4, Kurzer und gründlicher Deduction
- 5, id. latine
- 6, Deductio rei monetalis
- 7, Discursus de re monetaria.
- 8, Epistola mercatoris.
- 9, Dowol sarney etc.
- 10, Versuch einer flüchtigen Linderung.

DISCURSUS
DE
REMONETARIA
REGNI POLONIÆ

Ostendens

Damna Enormissima

Ex Villioribus Monetis novis

Argenteis & Cupreis

EARUMQ; REMEDIA

Ad trutinam

Serenissimæ Reipub. Polon.

*Mente bona Sinceraq;
conscriptus*

ANNO CHRISTI

1664.



Cenuinam Indolem, necessitatem & utilitatem pecuniæ sive Monetarum, nervose exponit J Ctus in l. 1. ff. de Contrah. Emt. quod sc: propter difficultates permutationum (cum raro eveniret, ut pro re quam ab alio desiderarem, ego in etributionem aliud quid reddere possem quod ipsi ut æquivalens placeret) electa sit materia (Metallica) cujus publica & perpetua æstimatio, difficultatibus permutationum subveniret, æqualitate quantitatis, eaq; materia forma publica sit per cussa, quæ usum dominiumq; non tam ex substantia præbet quam ex quantitate. Utilitas est ut pro pecunia omnes merces ab omnibus omni tempore & ferè ubiq; acquirere possimus, quod permutatione fieri nequit. Ex quibus (ne latius Artis Monetariæ sive Probatoriæ verba Technica, diversarum lingvarum, ponderaq; modos calculandi, & alia subtiliora excutiamus) apparet, quod ex Materiæ, id est auri, argenti, Cupri qualitate & quantitate (quæ vulgò granum & pondus, Schrot und Korn vocantur) oriatur valor forensis Monetarum (qui in J Civili dicitur quantitas.) Ita ut tantus Valor tribuatur nummo, quantum efficit ejus interna bonitas seu præcium rudis metalli, cum impensis fabricationis, seu Characteris, perinde uti Aurifabri argentea vasa sua taxant, ex labore impenso & materiæ ipsius qualitate & pondere. Character enim publicus qui nummis imprimitur ad excludendas fraudes est inventus, non verò ut Principes lucrum inde capere debeant, hoc enim ubi sit, non potest publica æstimatio esse perpetua, sed semper magis magisque deteriorēs fiunt Monetæ; & inde rerum præcia atq; Commerciorum turbantur. Sanè quæ stusalis (sive Signoraggio) olim hodieq; captatus passim fuit. In Polonia tamen salutariter prohibitus est, jam An. 1368. per Statutum Casim. M. quod una perpetua & bona in pondere & valore debeat esse moneta. Nam si quæstus pro Characterē percipitur, bonitati & ponderi argenti id detrahitur nec potest una aut perpetua manere moneta.

Obvia sunt apud Herburtsaluberrima Statuta sub Vladislao Jagell. An. 1422. & 1443. & Sigism. Aug. A. 1550; atq; pacta Regum quod absq; Consensu Reipubl. monetæ cudi non debeant neq; imminui seu deteriorari. Sed quia id non fuit semper observatum, ideò Respubl. A. 1633. in Electione D. Vladislai IV. ad medelam mali, rem monetariam sibi ita reservavit, ne ullum pro Rege lucrum caperetur, propter quod viliores fieri possent Monetæ. Nam olim in Prussia & Polon.

optima

optima fuerunt Monetæ; In Prussia enim uti ex Antiquissimo Priv. Culm A. 1250. patet, Denarii ex bono argento fieri debebant, ita ut ex argento Marcæ ponderante cuderentur 60. solidi (Schillinge) qui in pondere ferè æquabant Drachmam seu Ungaricalem Credo enim quod Crucigeri monetæ Gallorum cum quibus in Palestina militarunt, & Germanorum tunc imitari voluerint: Poloni vero Bohemorum.

Nam magno labore tandem ex historiis & ipsis nummis vetustis reperti Clavem seu fundamentum ad antiquam rem Monetariam Poloniæ & Prusiæ, ex harmonia cum vicinarum gentium monetis, genuinè explicandam, unde ostendi poterit Solidos argenteos, drachmales, tunc Gallicis, Saxonibus & Prussis ferè æquales fuisse, & Ungaricum aureum tunc 12. solidos, valuisse: Ita enim plerumq; solet esse proportio valoris inter Aurum & Argentum. Poloni verò circa An. Chr. 1333. in usu habuerunt grossos more Bohemorum, qui grossi ex bono argento (non tamen ex ætè puro) erant ferè Drachmales sub rege Bohem. Johanne Lucelburg An. Chr. 1311. Tales grossi Pragenses in Polonia numerabantur per Sexagenas. (Kopa,) & Marca seu grzywna Polona valebat 48. grossos Solidorum verò tunc non invenio nomen in Polon. Quid autem Scoti, & quid Aurei fuerint & valuerint in Polonia, alibi explicandum refero, nec non prolixam deductionem qualiter & quibus causis per aliquot secula creverit Valor Aurearum & argentearum Monetarum atq; rerum præcia, & quæ valoris auri & argenti varians fuerit proportio, quodq; superiore Seculo exigua deterioratio Monetarum fuerit, hoc seculo verò major, nulla tamen damnosior quam quæ ab An. 1658. orta est in Ortobus & Sex grossalibus & aucta est per tot Millionses Solidorum Cupreorum & per Florenales Bidgostiensis, idq; omne dissuadentibus Civitatibus quæ ad consultationes monetales pertinent. Sciendum autem quod Prussia Regalis ab Anno 1454. quo ad Polon. accessit, usq; ad Annum 1528. per 74. annos minutæ species Polonicarum Monetarum non receperit, sed tantum Monetis J Gent. hoc est Thaleris & Ungaricis, suisq; propriis usa sit. An. 1528. verò in Conventu Mariæburgensi conventio inter Regnum Poloniæ, Ducem Prusiæ atq; Regalem Pruss. est celebrata, ut legitimæ ubiq; Monetæ valerent, & fabricarentur, sc: quatenus unanimi consensu Statuum Regni, Ducis Prusiæ & Civitatum jus Monetandi habentium, fuerit conclusum. Hinc ad consultationes Monetales vocati sunt & admisi isti interessati, ipsorumq;

A 2

ratio

rationibus (ut alia salutaria taceamus id conclusum Ao. 1631. A. 1633. & iterum A. 1650, quod ex æquali liga seu mixtura argenti majores & minores Monetae cudi debeant, & solo pondere differre, ita enim facilius quivis paterfam. nummorum vitia in quantitate & qualitate Metalli deprehendere posset, quam ex diversa liga. Sed parum sunt observata talia, quia Monetariis Regni utilius fuit, variis Mixturis uti. Nam inter causas deterioratae semper monetae, referri potissimum debet, quod in Polonia, non per certos Reipubl. officiales ad id juratos & gnaros neq; sumtibus publicis Aerarii Reip. fabricantur Monetae, quod utrumq; simul necessarium est ad vitandas fraudes & lucra nimia, atq; fieri solet in Regnis atq; Civitatibus aliis, severis contra avaros transgressores poenis. Ubi enim officinae Monetariae locantur privatis, ut suis aut aliorum Participantium sumtibus cudant Monetas, tunc inter Impensas computant usuras largas & his aliisq; praetextibus viliores faciunt nummos.

In Germania praesertim in Civitatibus id salutare est, quod summa solertia, per juratas, ex publico salariatas personas Monetae fabricantur, & vicinorum Monetae saepe explorantur, nam ex quæ justo viliores sunt, etiam si ipsius Imperatoris forent, possunt & solent rejici.

Porro inquirendum est qualia & quanta damna publica & privata oriantur ex vilioribus Monetis, ut respondeatur his qui putant damna esse exigua, eaq; evitari per *leges de precii rerum non augendis*. Nemo ita simplex est, quin sentiat eum minus argenti recipere, qui in solutum accipit viliores novas monetas, pro antiquis melioribus. Sed nonnulli id existimant leve esse & privatum damnum, imò nullum: praesertim si initio pro viliori floreno tantum vini, panis, pannorum, aromatum &c. possunt caemere. Nam Imperitum vulgus, non ita cito & exacte, sicut periti Mercatores qui cum Exteris negotiantur, novit precia rerum pro interna bonitate argenti determinare & augere.

Nonnulli istam auctionem preciorum conantur lege publica prohibere, putantes ita praeveri damna omnia. Verum experientia & æquitas ostendit, quod valor mercium fluat, ex interna bonitate Monetarum, & ideo per aliquot secula aucta sunt rerum precia, quia ita deterioratae fuerunt Monetae.

Alii in necessitatibus Reipubl. damna aliquis privatis inferri posse per viliores Monetas statuunt, praesertim ubi Contributiones non ita cito,

cito, nec tanta mole possunt colligi. Afferant enim quod per tales monetas cito subveniat Reipubl. & anticipetur atq; evitetur Contributio; quasi paria sint damna, & idem sit subditis, an conferant Millionem florenorum per tributa, an verò per deteriores monetas ad summam 1. Millionis laedantur. Nam par damnum esse sibi persvadent nonnulli, neq; putant laedi Reipubl. sed illi optimè consulti. Sed plausibilia ista prorsus erronea, & monetas Viles Reipubl. atq; privatis vehementius quam durissimas Contributiones, aut hostiles direptiones damnosae esse, patebit ex sequenti explicatione damnorum inde profluentium.

1. Rerum precia omnino tandem crescunt, ut pro 100. flor. vilioris monetae non tantum emere possis, quantum pro priori pecunia cui plus argenti inest. Nam Mercatores apud Exteras Nationes non tantam copiam Mercium novarum, pro Vilibus Monetis possunt coemere & invchere, quia extra territorium nulla moneta valet, neq; aestimatur ultra internam argenti bonitatem. Efficit Mercatores non possunt pro 100. florenis vilioribus vendere, quod pro 100. florenis Melioribus antiquis, emerunt; Itaq; vel coguntur augere precia, vel cessare. Sic rustica plebs, quæ initio servabat incautè antiqua precia, jam sapit, & ista augere incipit, vel merces devehit in loca ubi bonam recipit Monetam.

2. Precium quoq; & valor Monetarum Majorum scil. Ungaricallum & Thalerorum excrescit, quia in speciebus minutis v. g. in 6. florenis Sex grossalibus, grossis, solidis imò & orthonibus atq; florenalibus longe minus inest argenti quam in duobus thaleris in specie (uti loquimur) & ita corruptus est *Pes monetalis*, unde multa mala oriri, vetus & verus est Aphorismus. Ista autem noxia auctio Valoris oritur & exerceatur per ipsos Monetarios; nam ut Viles Monetas solidorum, florenalium &c. dispergant per regnum, passim per Judeos & alios pro thalero dant 3. flor. & 6. 12. grossos solidorum, quibus nil argenti sed tantum 1. libra cupri inest, quæ valet 15. grossos, & ita vix $\frac{1}{2}$ partem reddunt pro thalero, & ultra quintuplum defraudant populum.

Quando verò 3. florenales Timpii permurantur pro Thalero, tunc tantum 36. grossi respectu puri argenti, redduntur, quia singuli tantum 12. grossos juste valent, uti infra dicetur.

3. Ex hoc simul patet, quanta damna sentiant & minus argenti percipi-

percipiant, qui in solutum accipiunt monetas viliores, omnes cujus-
cunq; status Incolæ Regni, pro Immobilibus, pro Mutuatis bonis pecu-
niis, pro salariis, stipendiis, pro locatione sive arrenda villarum & agro-
rum, &c. Nemo enim per totum Regnum ferè est, qui non aliquid ven-
dat, vel in solutum accipiat, & is in singulis 100. flor. pro diversitate mo-
netarum, uti *Tahula 1. docebit*, perdit vel 20. 23. 26. 28, imò usq; ad 60.
florenos. Si vero solidos accipit 85. flor. perdit, & pro 100. flor. tan-
tum 15. flor. in Cupro recipit.

Ponamus exemplum, quod *Rustici pleriq;* per integrum annum ad
minimum 100. flor. accipiant, pro frumentis, pecoribus, leguminibus,
lignis &c. idq; per cupreos solidos, sic quotannis perdit 85. flor.

Opifices, braxatores, Mercatores inferiores ad Minimum 1000. flor.
recipiunt, ita perdunt in 1000. flor. solidorum 850. flor.

in florenalibus Timpji — — 600. flor.

In sex grossalibus — — 230. flor.

Nobiles prout plura Millia flor. per annum ex arrendis, Censibus,
venditione frumentorum, pecorum lanæ &c. recipiunt, ita plura pro-
portionaliter damna sentiunt ex Vilioribus Monetis, v. g. qui 30. Mil-
lia bonæ monetæ poterat percipere, is

cupreos solidos perdit 25 500. flor. & vix in Cupro
si recipit } habet 4500. flor.
si florenales, perdit 18000, & habet 12000. flor.

Quia verò talis Nobilis, mercator, rusticus, nunquam in extremis ne-
cessitatibus, tantam, quantam quotannis perdit, summam coactus est
contribuere; Ideò evidenter patet, quod damnum vilioris Monetæ lon-
gè gravius sit, quam Tributa; Imò quia multis annis recurret da-
mnum, nisi mox remedia statuantur, gravius erit, damnum quam su-
bita hostilis direptio mobilium.

Certè plures Nobiles per bella diuturna adeò exhausti sunt, aut
obstrati, ut ipsi vel eorum liberi, bona terrestria vendere cogantur. Sic
propter temporum calamitatem minore precio vendunt, & si id precium
per solidos Cupreos vel florenales Bidgostiensis solvitur, facile accidit,
ut ferè totam substantiam amittant, aut vix $\frac{1}{10}$ partem percipiant pro
bonis Immobilibus, quæ nulla hostili depredatione potuerunt eripi.
Sic per viliores Monetas multæ Illustræ familiae opprimuntur, ut resur-
gere ex malis noqueant.

Parca-

Parentes qui liberos ad Exteras Regiones studiorum gratia mis-
erunt, si mille florenales Timpji tradunt Mercatori Italo Cracoviæ, vix di-
midium reddet in Italia aut Gallia per bonas Monetas.

4. Respubl. quoq; longè majus damnum sentit in publicis rediti-
bus, Teloneis, Censibus, variisq; tributis, quam lucrum ex contractibus
vilioris Monetæ facit. Quamvis enim pingue *lucrum* videatur quod in
necessitate & defectu Contributionum Respubl. ex institutis vilioribus
monetis possit: aut 3. Milliones flor. una vice acquirere, aut ex argento
unius boni floreni, duos viliores fabricare. Attamen re penitus truti-
nata *damnum* apparebit dupliciter. 1. In reditibus, nam ita vilior flo-
renalis, pro antiquo longè meliore datur, aut pro bono argento 4 flore-
norum solvitur per solidos tenues 1 libra Cuprii. Facile potest Calculus
ostendi ex *Tahula II.* quam ingentes summae decedant Reip. ex singulis
millionibus flor. quas antea per bonas monetas percipiebat, & cum de-
core in usus publicos expendere poterat, ante hæc cuprea tempora. Et hæc
damna *Thesaurus* non una vice sentit, uti *lucrum* ex Contractibus Mone-
talibus, sed *sæpius & per plures annos*, ex quo apparet damnum longe esse
majus quam *lucrum*.

2. Læditur quoq; *Thesaurus* in quota lucri vigore Contractuum
quibus viliores Monetæ, ut Ortones, solidi cuprii & Florenales Bidgosti-
enses sunt permixtae. Non plurimas tonnas auri Monetarii lucrari po-
tuerunt, supra eas summas, quas *Thesauro* pro *Lucro* dederunt, uti inferi-
us apparebit.

Et propter hæc damna privata atq; publica sine dubio S. R. Mtas.
Leopoli Ao. 63. prudentissime contradixit, neq; nisi ægrè admodum,
post crebras Illmor. Dn. Commissariorum Reipubl. Instantias, consensit,
in cusionem florenalium Timpji, & nimiam solidorum cupreorum mul-
tiplicationem.

5. Per viliores monetas Comercia quoq; divertuntur in alias Re-
giones, Experientia enim docuit his annis, quod Incolæ Majoris Polo-
niæ, maximam copiam frumentorum, lanæ, pellium &c. potius in Po-
meraniam majore labore evexerint, quia ibi bonas Monetas acceperunt.
Thorunium verò propter viliores Monetas spreverunt. Et ex tali fama,
quod plures merces Polonicae essent in Pomerania quam Gedani, Naves
Belgicae potius in Pomerania quam Gedani coemere voluerunt, ex quo
non solum Portorum diminutum esse Gedanenses asserunt, sed etiam

Incolæ

Incolæ Minoris Poloniæ, Mazoviæ, Podlachiæ, qui Pomeraniam adire nequeunt, sed Gedanum merces vehunt, exilius ibi precium senferunt propter diversionem Commerciolorum. Certe si Gedanî viliores Monetæ Poloniæ vigerent uti Pofnaniæ, Thorunî, Varfaviæ, Naves Extræ nullas merces adveherent, fed portum ipfum atq; commertia vitarent. Et ita pater quod fine ingenti damno Commerciolorum, quæ totam Poloniam afficiunt, monetæ viliores Gedanî introduci non poffunt. Prætereo jam, quod plures turbæ ex deterioratione Monetarum ortæ quam per id medium fopitæ fint, & quod infinitæ lites & procesfus, (tabes Rerump.) oriantur ex variis per tales Monetas læfionibus contrahentium.

Ut fingularum Monetarum vilitatem & defectum refpectu Thalerorum breviffimè oftendamus, quid contineant in grano & pondere, quæ damna oriantur in Centum flor. qualis fit differentia inter nimium valorem forenfem, & iuftum valorem intuitu puri argenti, & quatenus (fi ita Reip. placebit) valor tollerabilis ftatui poffit. Sequentes Tabulas ponimus. Ufurpamus autem non Marcam Cracov. antiquam, (quæ $6\frac{2}{3}$ thaler. ponderat) propter fractiones moleftas, fed novam Monetalem Marcam quæ per Commiff. Monetalem A. 1650. eft introducta, & ponderat 7. thaleto, ita ut quilibet paterfamilia facilius omnia calculare queat.

TABULA I.	pondus Marca Monetal ponde- rat.	Gratum Metallili- ga feu bo- nitas.	Ex Marca mixta fi- unt.	Ex pura Marca Ar- genti fiunt	Damnum in fingulis centu flor. refpectu Thaleri,	Valor forëfis iufto major.	Valor jufto ex interna bonita- te.	Valor tolleræ- bilis, per re- ducti- onem.
			fl. grof.	fl. grof.	fl. grof.			
Taler.	7 fluf.	$14\frac{2}{3}$ loth	21	24	—	—	3 fl	3 fl
Ortho Bidgost & alii.	$32\frac{1}{2}$ fluf.	$10\frac{1}{4}$ loth	19 6	30	20	188e	$14\frac{1}{2}$ fl	158e
Orth. Lithuan.	$32\frac{1}{2}$ fl.	$10\frac{1}{2}$ loth	19 15	30 24	22 13	188e	148e	158e
	36 fl.	12 loth	21 18	28 24	16 6	188e	$14\frac{3}{4}$ fl	158e
		$12\frac{2}{3}$ loth			15 24			
Florë, Bidgost	30 fl.	8 loth	30	60	60 =	308e	128e	138e
	58 fl.	$5\frac{1}{2}$ loth	11 21	31 7 $\frac{1}{2}$	23 33	68e	$4\frac{1}{2}$ fl	58e
Sexgrosfales.	60 fl.	6 loth	12	32	25	68e	$4\frac{1}{2}$ fl	—
Trigrosfi	120 fl.	6 loth	12	32	25	38e	$2\frac{1}{4}$ fl	$2\frac{1}{2}$ fl
Sexquingrosfi.	186 fl.	$4\frac{1}{2}$ loth	9 9	33	27 8 $\frac{1}{4}$	128e	$1\frac{1}{2}$ fl	4 folidi

Tabula II. Oftendit damna ex defectu argenti five Internæ bonitatis in Novis Monetis.

Damnum oritur.	In Centum Florenis	In Mille Flor.	In Centum millib ⁹ flor.	In Millione Flor.
per Orth. Lituan.	16 fl	160 fl	16000 fl	160000 fl
per Orth. Bidgost.	20 fl	200 fl	2000 fl	200000 fl
per Sexgrosfales,	23 fl	230 fl	23000 fl	230000 fl
per Florenal. Bidgost.	60 fl	600 fl	6000 fl	600000 fl
per Solidos Cupreos.	85 fl	850 fl	8500 fl	850000 fl

Tabula III.

Si Monetarius pro impensis cufionis Centum florenorum computat & detrahit à fumis Tabulæ II. 4. flor. (quod abundè fufficit, quia nunquam antehac ultra $3\frac{1}{2}$. flor. funt computati) apparet lucrum quod integrum Reip. dari debuiffet.

	Ex Centum Flor.	Ex Mille Flor.	Ex Centum Millibus fl	Ex Millione Flor.
In Orthon. Lithuan.	12 fl	120 fl	12000 fl	120000 fl
In Orthon. Bidgost.	16 fl	160 fl	16000 fl	160000 fl
In Sexgrosfalibus	19 fl	190 fl	19000 fl	190000 fl
In Florenal,	56 fl	560 fl	56000 fl	560000 fl
In Solidis Cupreis.	70 fl	700 fl	70000 fl	700000 fl

Quia in Solidis 15 flor. ponimus pro fabricandis centum flor. uti infra patebit.

Tabula IV.

Oftendit quantum puri argenti requiratur & in fit fingulis Monetis, ut pateat ingens diverfitas internæ bonitatis inter diverfas Species Monetarum. Et quia ingens Argenti puri quantitas, requiritur ad plures Milliones quæ hætenus in Speciebus Florenalibus, Sexgrosfalibus Ortho- nibus &c. fabricatæ funt, apparebit Incredible effe quod tantum Argenti rudis ab Exteris nationibus fit advectum; Et inde creditur quod antiquæ bonæ monetæ fint in viliores per Monetarios transmutatæ, & tali modo extirpatæ, cum memoria Regum; Imò quod & Vafa Argentea templorum & nobilium fint conflata.

Ad Millionem (five decem tonnas) florenor, requiruntur puri Argenti,

in Specie thalerorum	—	—	41666 $\frac{1}{4}$ Marcæ
Orthorum Bidgost	—	—	33333 $\frac{1}{2}$.
B			Ortho _n

Ortho. Lithuan.	3484 $\frac{3}{4}$	Marcæ
Sexgrossalium	31250	
Florenalium Timpi	1666 $\frac{2}{3}$	

Posito, quod sint Cusæ 4. Milliones Sexgrossalium. facit 125000. Marcas.
 6. Milliones Orton. Ab An. 1659. 200000. Marc.
 4. Mill. Floren. Timpiæ — 66666. Marc.

491666. Marcæ Arg.

Certè tanta Argenti copia non est inuenta in Poloniam, & si foret inuenta ab Exteris, Exteri non viliores sed bonas Monetas reportassent. Sequitur itaq; quod per viles Monetas antiquæ bonæ Monetæ vel sint relegatæ ad Exteros, vel à Monetariis conflatæ & extirpatæ, cum damno irreparabili.

Vasa argentea quidem à Nobilibus necessitate pressis emerunt Monetarii, & solverunt pro Marca puri argenti 27. flor. (cum tantum 24. fl. ante 10. annos valeret) verum quia in 27. florenalibus Bidgost. parum argenti inest, quod vix 10. flor. 24. grossi valent, ideo Nobiles tales læsi sunt atrociter ultra dimidium, sub vana specie lucris.

Si verò 27. flor. solidorum accepit Nobilis pro Marca argenti, tantum 3. fl. 24. accepit. Nam solidi isti ponderant 6 $\frac{3}{4}$. lb. Cupri quod in rudi Massa emitur 3. flor. 24. grossi.

Sic per Artes Monetariorum sub specie lucris Nobilibus cum atroci damno vasa quoq; argentea sunt adempta, & ista Reipubl. decora, (ut taceam vasa Templorum) conversa sunt in viles monetas, quibus tanquam per morbum, opprimitur Respubl. & exhauritur indies, donec assumantur remedia.

Quia supra dictum est, quod per Viliores Monetas non solum lædantur privati, qui eas loco bonarum Monetarum accipiunt. Sed etiam Thesaurus Reipublicæ in quota lucris per Contractus cum Monetariis. Utrumq; per Exempla ostendi potest.

Petrus, Andreas Monetario mutuo dedit per monetam thalerorum — 100. flor.

Si Andreas loco thalerorum solvit istam summam per novos ortones Bidgost. tunc in 100. florenis talibus longè minus argenti boni reddit, nempe vix — 80. flor.

Et

Et ita Petrus damno afficitur & Andreas lucratur $\frac{1}{2}$ — 20 flor.

Si vero Andreas per Sexgrossales suos solutionem facit, tunc illis centum flor. tantum inest argentum pro — 76. fl. r.

Et Petrus damno afficitur, circiter ad $\frac{1}{4}$. — 24. flor.

Si vero Andreas per Florenales suos solvit Mutuum tunc in 100. fl. talibus, tantum inest argentum — 40. flor.

Et Petrus læditur per hanc Monetam, ad — 60. flor.

Quanta læsio ex solutis Mille florenis & maioribus summis oriatur, ostendit Tabula II.

Quantum Thesaurus Regni perceperit lucris, & quatenus per varios Contractus cum Monetariis, in quota lucris læsus sit, ut exactè calculari possit, requiritur cognitio 1. Contractuum, quid pro lucro, Thesauro sit promissum, & quot. Milliones Monetarum in certo viliori grano & pondere fabricari permiserit Respubl. 2. Utrumne plures summae de facto sint fabricatæ, 3. Annon in viliori grano & pondere. 4. In singulis Monetis supputandæ sunt impensæ monetales seu fabricationis, & subtrahendæ à lucro tam in argenteis quam Cupreis Monetis, tunc apparebit quid perceperit Thesaurus, & quid lucris Monetarius sibi reservavit. Non satis cognitum est, quales Contractus An. 58. 59. & hætenus cum Monetario Bidgostiensis & aliis sint celebrati super formatione Orthonom, Sexgrossalium & Florenalium. Referunt quidam, quod pro modica annua pensione, locata nonnullis fuerint officinæ, ut suis sumptibus indefinitas summas Orthonom & Sexgrossi fabricare possent. Quæ norma in grano & pondere ipsis sit præscripta, obscurum est; Ex effectis autem patet, quod 32. imò & 3 $\frac{1}{2}$. Orthones sint facti ex Mixta Marca quæ tantum 10 $\frac{1}{4}$. loth continet argenti, ut ita ex Marca puri argenti 30. floreni, imò 20. fl. & 24. gr. sint elaborati. Hac ratione in 100. talibus florenis respectu thalerorum, minus inest argenti, 20. flor. & amplius. Si pro labore & Impensis, Monetario conceduntur 4. floreni (quod abunde sufficit,) remanent pro lucro, juxta Tabulam III. de singulis Centenis, 16. floreni, & de una Millione flor. in specie Ortonum remanent 160. Millia flor. Et de 1. Millione flor. Sexgrossalium remanent ducenta Millia flor. post detractas impensas. Posito itaq; quod uno anno fabricata

fit 1. Millio flor. per speciem Orthonum. ——— 160000. flor.
Et Sexgrossalium 1. Millio flor. ——— 200000. flor.

facit lucrum. 360000. flor.

An Thesauro quotannis tanta summa data sit, aut quare data non sit, non scio. Nam Sexgrossalium & Orthonum viliorum tanta est copia, ut plures Milliones fabricatas esse appareat, & adhuc damnosus labor nimia solertia continuatur.

Florenales Monetas sub ostentatione lucri, Monetarius obtrusit illis. Dnnis Commiss. Regni Leopoli An. 1663. Quanta Summa, & pro quo lucro, ipsi sit permessa, non exactè patet, indagari tamen meretur, quia nimis est noxia. Nam ex Tabula I. apparet quod ex 8. Lorthis Argenti cudantur 30. flor. Et quod damnum in singulis Centum florenis Incolis Regni sit ultra dimidium, nempe 60. flor. utile qui putat se 100. flor. percipere, in argento vix habeat 40. flor.

Si juxta Tabulam III. pro impensis cudendi computantur & conceduntur Monetario 4. floreni de 100. flor. restat lucrum 56. flor.

Et ita restant ex 1. Millione flor. 560000. flor. qui pro lucro debeant Thesauro dari.

Sed asseritur per famam publicam, quod de 100. florenis Thesaurus à Monetario tantum 45. flor. percipiat ita de una Millione darentur tantum 450000. flor.

Sed hoc modo ultra omnes Impensas Monetarius lucraretur 110000. flor.

Et ita quanto plus exhauriret Remp. per copiam istius monete tanto plus ditesceret, nam ex 5. Millionibus flor. posset lucrari 550000. flor. sive $5\frac{1}{2}$ tonnas auri.

Non ignoro quod Monetarii quoque fucati inter Impensas computent 1. Usuras ejus summa quam Reipubl. in necessitate prænúmerant. Nam constat quod unus aut alter Leopoli An. 1663. Reipubl. mox in variis Mercibus multas tonnas auri, & residuum stipulati lucri per monetas viliores, nempe solidos Cupreos, nec non florenales Bidgost. dare promiserit. 2. computant excessivè, quasi ad emendum & advehendum ab Exteris Argentum & Cuprum, Magna summa Capitalis & impensæ in Cambia, Factores, & Vecturas requirantur. 3. quod rude argentum non veteri precio 23. aut 24. flor. possit emi, sed ad 26. & 27. flor. cre-

verit valor. Quantas summas ad Patronos causæ suæ comparandos computent, non dixerò.

Sed Respondeo 1. Merces v. g. arma pannos &c. (uti publicæ quærelæ ferunt) nimio & excessivo precio dederunt Thesauro, sed ipsi longe minori precio emerunt, à Mercatoribus, quibus postea solverunt per solidos aliasque viliores species, ut ingens lucrum ex tali Mercium prænumeratione perceperint, non damnum.

2. Non adeò ingens summa Capitalis (uti vocatur) requiritur, neque ad Instrumenta, neque ad Argentum cuprumque, nam si pro 50. Millibus florenorum antiquorum, Cuprum aut vasa argentea primitus emta sunt, ingentes brevi tempore summae, Solidorum aut Florenalium inde fabricari potuerunt. Per quas summas in populum cum exili lucello. 2. 3. gross sparsas, monetas bonas, thaleros, Ortones, leoninos (Lewkowe thalari) &c. ad se traxerunt, & indies per talem crebram celeremque Versuram, capitale suum semper duplo, quadruplo auxerunt, atque Cuprum, aut argentum rude, vel Vasa talia coemerunt, & non solum ista, verum, & uti supra dictum. Monetas bonas transmutarunt in viliores, nam quò sæpius permutarunt viliores tanto plus bonæ pecuniæ receperunt, & lucra sua cumularunt.

3. Resp. quod Incredibile sit, uti supra attigimus, tantam Molem rudis argenti ab Exteris esse investam, quantam tot Milliones Florenalium, Sexgrossalium, Orthonumque requirunt; Absurdum quoque est, credere, quod pro Marca rudis argenti, Monetarius 27. flor. ad externos Miserit per 9. thaleros in specie; (quia alias nostras Monetas Exteri averfantur.) Stupidissime enim errasset, quia in 9. thaleris, plus inest quam integra Marca puri argenti, & ita plus signati argenti dedisset, quam in rudi argento recepisset; Certè tanta simplicitas exulat à Monetariis. Si verò pro viliori pecuniâ, v. g. pro 27. florenalibus, (qui respectu internæ bonitatis vix 10. flor. 24. gr. valent) vel Sexgrossalibus, emit Marcam argenti puri, lucrum non damnum percepit Monetarius. Et ita patet, quod ultra 4. flor. pro Impensis, nihil Monetarii per fucatos istos prætextus à Dominis Commissariis extorquere debuerint, quod tamen fecerunt, nescitur quomodo.

De Cupreis solidis, mirantur omnes quod An. 1659. absque urgente necessitate, ad solam Monetarii persuasionem, (quasi nempe ad exemplum Hispaniæ, Galliæque possint introduci, ad expellendos solidos Suc-

cicos, idq; sub specie lucri publici, non attento immani damno privato-
rum; ita enim publico scripto defensa res est, jam An. 1661.)
sint recepti ab Illustrissimis Dominis Commissariis Reip. uti ex Te-
nore Commissionis patebit. Nam permiserunt cudi Orthones
indefinite, & Cupreorum Solidorum 1. Millionem, pro lucro
410000. Millium flor vilioris Monetæ. Debebant quidem Orthones
30. fieri, ex Marca mixta quæ 10 $\frac{1}{2}$ loth. argenti contineret, (cum per
prioris leges Regni ex 12 loth argenti tantum 28. Orth. fieri deberent) Sed quia
Monetario non sufficit lucrum tale 10. flor. 4. gr. ex centum flor. idèd
nulli tales Orthones apparent. Sed quia ab aliis antea ex viliori Metal-
lo, nimirum ex Mixtura 10 $\frac{1}{4}$ lotos Argenti continente, antea 32. Orto-
nes fabricati erant ex quibus plus licet lucrari: Idèd potius orthones ta-
les viliores sunt fabricati, qui deductis laboribus centum & sexaginta
Millia flor. pro lucro præbent ex una Millione flor. cusa.

Permissa quoq; isti monetario tunc est fabricatio Unius Millionis
solidorum Cupreorum pro Regno & alterius millionis pro Lithuania
hoc modo ut ex Marca cupri tantum 150. solidi fierent. (Sed ex libra
Cupri ultra 300, imò usq; ad 360. solidos ajunt esse fabricatos uti in-
fra dicetur.)

Taxatur autem libra Cupri pro 15. grossis, & ponuntur pro impen-
sis monetandi itidem 15. grossi ad summum.

(Nam orbiculorum seu solidorum rudium nondum Signatorum,
quos ex Svecia aliisq; locis ingenti copia emit, singulas libras potest co-
emere 24. aut 26. grossis, qui pro 3. grossis solent signari) & ita ex 30.
libris Cupri, quæ inclusis Impensis, constant 30. flor. fabricari possunt
9000. solidi, sive Centum floreni. Et consequenter ad unam Millionem
fl. requiruntur trecenta Millia librarum Cupri, sive tot floreni ad materiam
& labores:

Ita si à Millione sive	1000000. flor.
destrahantur pro Materia & impensis	300000.

Restat lucrum	700000. flor.
---------------	---------------

Cui adde lucrum ex Millione ortonum	160000.
--	---------

Subtrahatur ab isto lucro, id quod	860000. flor.
Reip. vigore Contractus debetur	Subtra-

Restat lucrum pro Monetario	450000. flor.
-----------------------------	---------------

Ita Respubl. ultra dimidium læsa esse videtur.

Par est lucrum ex altera Millione quæ pro Lithuania est fabricata	450000. flor.
scil.	

Vigore Novi contractus. Leopoli An. 1667. M. Jan. conclusi ex ma-
gna necessitate Regni permittebatur Monetario cudere ultra 5. Milliones
Solidorum, scil. (præter minores summas pro privatis) 5250000. flor.

Ex supra dicto Calculo, quod tres tønne auri. Pro Cupro, &
impensis requirantur ad 1. Millionem Solidorum, sequitur quod ad istam
novam summam requirantur pro Cupro & impensis 1622500.

remanent pro lucro	3627500.
--------------------	----------

Ex lucro hoc dantur Thesauro, 3. Milliones sc.	3000000. flor.
--	----------------

Ita Lucrum manet Monetario.	627500. flor.
-----------------------------	---------------

Si verò ex libra Cupri facti sunt 360. solidi sive 4. floreni. tunc ad
prædictam summam Contractus requiruntur 1312500. libras
pomis etiam usuras, prænumerata summi 78000. flor.

Faciunt impensæ	1390500. flor.
-----------------	----------------

Si itaq; à summa	5250000. flor.
------------------	----------------

Subtrahatur has impensas	1390500.
--------------------------	----------

remanent	3859500. fl.
----------	--------------

Atq; ex his datur Thesauro	3000000. fl.
----------------------------	--------------

Ergo pro Monetario remanet	859500. fl.
----------------------------	-------------

Sed si iste Monetarius uti per scriptum publicum asseritur tantum
summam dimidiam solidorum fabricavit, & dimidium quoq; lucri sti-
pulati Thesauro dedit, remanent ipsi pro lucro 429750.

Ita Solidorum qui in Lithuan. cuduntur ab ipso vel aliis, calculus
quoq; faciendus est, & apparebit lucrum ingens.

Ista omnia non alio fine enucleata sunt nisi ut appareat Monetarios
The-

Thesaurum enormiter laxasse & omnibus luculis damna gravissima intulisse.

Certe æquum non nullis videtur, ut tot tonnas auri lucratas, singuli monetarii cogantur per bonas Species Monetarum, inferre Thesauto, & Thesaurus postea posset, tantam Summam Solidorum Cupreorum per contributionem collatam, in rudem Massam conflare, ut nimius numerus minuatur.

Quæ remedia autem contra viliores monetas argenteas moderno statui Poloniæ possibilia & conducibilia sint, ulterius perpendimus. Ex Historiis variarum Nationum patent Exempla quod viliores monetae, quæ in extrema necessitate ex viliori metallo aut corio factæ fuerant postea ad avertenda damna privatorum & liberandam Fidem publicam pro bona nova moneta permutatæ, aut in ærarium receptæ sint per contribuendiviam & in rudem massam conflatæ atq; hac ratione abolitæ. Verum id Statui Poloniæ moderno videtur inconueniens, imò impossibile. Nam procul dubio triplo plures invenirentur tam Cupræ quam argenteæ species, quam per Contractus cudi debuerunt: Ita enim in Angliâ accidit olim, quamvis in ista Insula, minor sit occasio invehendi adulterinas monetas, quam in patente Regno Poloniæ.

Porrò quia supra ostensum est, damna ex vilioribus monetis, nocentius invalescere, quo diutius differtur remedium; Ideò ne indies Corpus Reipubl. gravius inficiatur veneno isto. I. Inhibenda est severè & ubiq; talium Monetarum omnium fabricatio. Nec obstat si dicatur, nondum finitum esse tempus quod Monetariis per contractus est præfixum. Nam facta accurata Inquisitione patebit, quod monetarii jam integrum constitutum numerum vilis Monetæ fabricarint, vel certe talem, ut ultra Expensas suas, jam laborent de lucro captando, quod tanquam publicum Venenum non fovendum sed potius sistendum est.

II. Quia respectu internæ bonitatis, non tanti æstimari possunt Monetae deteriores, quantum in foro vulgò valent, uti ex Tabula I. patet, diversitas valoris forensis, à Valore justo interno; Ideò valor nimis forensis minuendus sive Devalvandus est (uti vulgò loquimur, ad justum tale precium, quo quantum fieri potest, restitatur luxatus *Pes monetæ*, hoc est, ut tantum ferè argenti insit centum Florenis minutarum Specierum, ita devalvatarum, quantum inest $3\frac{1}{3}$ thaleris. An autem Devalvatio (uti vocatur) una vice, vel potius, ut insensibilis toleretur, per vices sit instituenda, disquiritur. Si.

Si per vices instituitur, major ferè preciorum varietas & litium materia oritur & lentum est remedium: Præstat itaq; una vice devaluationem ita instituere, ut (quemadmodum in Germania & alibi factum est) *præmoneantur Incola Regni*, exempli gratia, quod à 1. Febr. incipere debeat valoris imminutio & quod à 1. Januar. nemo anteriora debita per istud genus & valorem monetæ exolvere debeat, sed valor modernus tantum per mensem Januar. ad recentes contractus isto tempore pro parata pecunia celebrandos durare debeat. Ita in isto spacio prævisa devaluatione, solertiæ singulorum permittitur, expendere istas Monetas per coemptionem mercium, mediocri valore.

Nam uti olim servi Judæorum, in ultimis, propè Jubilæum, (quo liberabantur) annis, minus valebant, & sicut Equus senex non diu vixurus minus quam junior diu duraturus, valet; Ita & Monetarum valor isto tempore vilescet. Præcavendum enim est, ne malitiosi Debitores, ultimis diebus Januarii solvant debita, quando sciunt cum damno Creditoris propediem minus valituras istas monetas, id enim vetat æquitas & charitas.

Ut itaq; *Pes Monetæ* quantum potest restauretur per Devaluationem, & ad proportionem bonitatis thalerorum & orthonum veterum fiat nova æstimatio viliorum specierum, ita procedendum videtur, salvo meliore judicio.

Thaleri maneant in valare 2. flor. nec permittatur auctio.

Orthon. Polon. ante An. 1659. cusi, & Brandenburgici, Thorun; Elbing;

Gedan valeant - - - - - 18. gross.

Ita & veteres Sexgrossales, Trigrossi: & Sesquigrossi maneant in veteri valore.

Novi Orthonones in Lithuan cusi An. 64. valeant - - - 15 gross.

Sic & Orthonones Polon. ab An. 1658. cusi, præsertim Bidgost: 15 gross.

Florenales Bidgostiensis, quia nimis viles - - - 15 gross.

Sexgrossales novi. - - - - - 5. gross.

Trigrossi novi Polon. & Silesiaci. - - - - - 2½. gross.

Novi Sesquigrossi - - - - - 4 solidos

Ita non quidem exactè, sed tolerabiliter restitui potest, *Pes Monetæ* Et Salus Reipubl. exigit ut id quamprimum fiat absq; dilatione sub quocunq; prætextu.

Nam per Cessationem officinarum, præcavetur quidem ne plures fiant Viles monetæ, ne augeatur morbus, C Non

Non tollitur autem præsens morbus, nisi fiat simul talis Devaluation. Alias intra & extra Regnum Falsarii non cessabunt propter ingens lucrum tales viliores monetas fabricare, quia ultra Mille homines hactenus in Polonia didicerunt artem monetandi, Ideoq; Devaluatio nullatenus est differenda.

Neq; obstat. I. quod dicitur ingentem numerum esse monetarum, atq; enorme damnum fore omnium.

Nam tantò citius correctionem postulat Salus Reipubl. ne diutius morbo isto exhaustiantur privata & publica opes, alter sanguis hominum, quia tandem Commercia (vinculum illud inter Gentes precipuum) peribunt, & per viliores monetas quasi in Carcere suo constringentur Incolæ Regni, præsertim Mercatores.

Considerandum quippe est quod damna genuinè loquendò respectu internæ bonitatis Monetarum, non oriantur singulis jam per devaluationem, sed quod quilibet damna tunc incurrerit, (licet vulgus non senserit) quando viliores species primo anno pro veteri meliori specie recepit.

Rusticis certe & opificibus parum nocebit devaluatio argenteæ pecuniæ, quia hi cupreos potissimum habent Solidos. Neq; nocebit Magnatibus, quia illi thaleros & Ungar, in thesauris servare solent; pro vilioribus verò monetis emunt fundos, aliq; necessaria. Mercatores quidem damna magis gravabunt; sed per industriam talia uti alia bellica incommoda conabuntur & poterunt refarcire. Nam per justam monetam tam rerum præcia, quam commercia reducuntur ad pristinum vigorem, quæ alias uti supradictum divertuntur in loca extranea. Et ita Commerciorum fertilitas, uti agrorum, pensabit perperam sterilitatem.

II. Non obstat quod nonnulli prætendunt, ignominiosum fore Reipubl. hæc Devaluationem, quia agnoscantur errores proprii. Nam perinde errant illi, ac si agrotus nimio pudore contabescere potius, quam morbum agnoscere & curare debeat. Gloriosum id potius Reipubl. erit apud vicinos, & sibi ipsi salutare si onera & mala per calamitates extremas incussa, ita generose & tempestive excutiat & corrigat. Econtra si absq; medela, diutius Reipubl. seu desperatus agrotus tabescere perget in cernis suis, vicini eam languescere, & viribus imò viris generosis, veris huius morbi Medicis, carere putabunt.

III. Non

III. Non obstat quod dicitur: Reipubl. ingentia Militibus stipendia debere, quæ facilius ante Devaluationem possint exolvi. Nam non ita citò, neq; absq; novis tributis fieri potest solutio. Si itaq; differtur Devaluatio, interim Resp. damna sentit in quarta & vectigalibus, & longemius per tributa colligit, quam posset percipere si statim ad justum precium reduceret monetas & restauraret vigorem commerciorum, quorum fructus tanquam vitalis aura, non mercatores solum sed & Nobiles omnesq; Incolas refocillat.

Nocuit differre, paratis.

CUPREA MONETA SOLIDORUM, vix pati videtur medelam per Devaluationem. Nam ita vilis est materia, ut centum floreni vix 1, aut 15. libras cupri ponderent, & valeant hoc respectu vix 1, aut 15. florenos. Hac proportionem 7 Solidi forent devalvandi, ut unicum solidum valerent. Sed ita misera plebs nimis depauperaretur & ad desperationem detruderetur atq; puniretur, quamvis ipsa causam malo non præbuerit.

Postulat sanè nimius numerus tot Millionum solidorum, ut minuat, & per liquefactionem in rudem massam reducatur pars eorum. Sublimi Reipubl. arbitrio relinquitur, an unam aut alteram Millionem Solidorum, per tributa populi collectam, (ne iterum in populum dispergatur) velit liquefactione abolere, & Monetarios qui tanta lucra perceperunt, adigere, ut similem summam bonæ pecuniæ Thesauro inferant. Nam læsam Reipubl. tanquam pupillam in integrum restitui, æquitatis & iuris, imò necessitatis est.

Postquam numerus nimius ita restrictus erit, residui solidi ad dimidium val. rem reduci poterunt si Reipubl. placebit, idq; post tempus præmonitionis, non ex abrupto, uti supra de argenteis Monetis dictum est.

Hæ tamen cautiones necessariae videntur.

1. Ne solidi in Vectigalibus, & solutione Quartæ recipiantur. In tributis verò à plebe solvendis non poterunt sperni.


2. Ne in Contractibus quibuscunq; & solvendis debitis quisquam invitatus adigatur, plus quam 5 florenos solidorum, inter singulos Centum flor. in Polonia recipere. Hac ratione enim Commercia non turbantur, sed manebit moneta solidorum in usu plebis.

3. Ut exactè & severissimè præcaveatur & puniatur omnis ulterior Cusio & Inversio Solidorum, alias propter affluxum pravorum humorum, nunquam eradicari morbus poterit.

Benigne Lector

Quia Fides jurata quemvis adstringit, ut de damnis Rempubl. moneat, & pro viribus ad extinguendum Incendium aquam adferat. Ideo submisſe ſpero, quod nemo, niſi qui clandeſtina privata lucra, Saluti publicæ præfert, *fidele hoc Holocauſtum licet exile*, odio proſequetur, ſed potius gratiâ & ope ſua ad Reip. ſalutem diriget, etiamſi non omnia ad Amuſſum recta inueniat, in his quæ facti ſunt, & calculi minutias concernunt. Cuncta enim ſublimi Reipubl. arbitrio ſubmitto, puro Corde. Uſurpavi in hac Materia Voces minus Latinas, ſed vulgò receptas Orthorum, Marcarum, *ligæ Devaluationis, &c.* Tonnarum auri in materia Cuprea & Millionum, & has quidem ſeminini generis in Polonia credidi, quia tam facile novas pariunt Miliones in publica ſterilitate (*uti de lite jocatur Pœta.*) Utinam Neutra & nullibi fuiſſent. In verbis perſpicuitatem potius quam ornatum floridum ſectari placuit Omnia ad Majorem DEI glori-
am & Reip. ſalutem.





Hist. Polon.
a, general.

